

249
106
DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS

manè discutienda, in Scholis Medicorum, die Martis decimâ

Jexiâ Martii, anni M. DCC. LXXXIV.

M. MAXIMILIANO-JOSEPHO LEYS, Doctore Medico, Præside.

An solito frequentius hepatis abcessus aperiendi.

I.

MISERA hominis, qualemcunque vitæ cursum sortiturus sit, conditio. Vix enim auras vitales hausit, cum coactis undequaque circumcingitur incommodis. Hinc, innata labe, arte rarè superabilis, quâ infirmioris ætatu læ hujus torquentur membra ténellula; illinc domestica incuria, hic præpostera matris sollicitudo, illic variæ tempestatum vicissitudines, undè tot ac tantæ in hanc compagem delicatulam coeunt calamitates.

Quod, si quæ varias hominis ætates lubet percurrere, variæque penitus scrutari conditiones, nulla obversabitur cui non adhæreat multiplex morborum cohors. Quid ergò mirum, si tam frequenter exclamant homines, *Nasci-ne erat tanti?* Habes profectò, habes, ô dilecta Societas, undè suavissimo illecebrarum tuarum consortio hominem demulceas; miserabilis tamen homo, cui tua tanti constant lenocinia. Ne autem ab instituto aberrare videar, ad scopum revertor. Varium ac diversum morborum genus: undè fit ut, pro variis, in quas impingunt, partibus, proque diversis, quibus stipantur symptomatibus, varia ac diversa nomina acceperint. Si ergò in vasorum extremis, cujuscunque modi sit obicis hujus causa, impeditur liber sanguinis transitus, quâ sublatâ commeandi facultate innascatur ingurgitatio, caloreque exorto, crescat motus circulatorius, pro certo habe veram tunc adesse inflammationem: quæ quidem varios, prout variè intenditur, recipit medendi modos, variosque habet exitus. Modò enim fit blanda, & quam præ cæteris concupiscas, resolutio; modò disrumpuntur fibrillæ, simulque cum effusis humoribus abeunt solutæ in homogeneum album spissumque ac tenax liquamen, quod pus nuncupatur, undè brevi efformatur abcessus; imò intercidit scirrhus, nullâ opè domabilis, demumque, suffocatâ parvis vitâ, sæpè sapius lethalis irruit gangrena, nec-non & sphacelus.

II.

UT magnitudine, ità & præstantiâ, cæteris abdominis visceribus præcellitjecur. Quæ quanquàm multa sint, nullum propè offensas quod illi vestigal neget perfolvere, nullum ferè cujus non intersiat labor latici huic præparando, qui, stupendo mechanismo, in hepate tecernendus, in bilem mirificè convertitur; sed heu! quò excellentiori fungitur functione, eò ad morbos quoscunque, præ cæterisque ad abcessus, ut plurimum, magis obnoxium videtur. Quos ut Medicus planius dignoscat, rem organi hujus anatomicam paucis præmittendam duco: quæ porro sic se habet.

Nullam propè figuram æmulatur hepar: rubri nigrescentis coloris, friabili & quasi arenosâ contextum substantiâ, in toto hypochondrio dextro sedem habet, adeò tamen ut latè ad sinistrum usquè extendatur. A diaphragmatis centro, cui pluribus suprà adjacet tenaciter ligamenti, ad usque costarum limbum, quem, ad instar orbis, uno plùs minùs-ve pollice excedit, infrâ extenditur. Hujus levigata facies externa, totaque gibbosa, suspensorio ligamento dividitur: interna superficies contrâ, cavâ æquè ac sinuosa, in binos, longitudinally sulco lobos dividitur, quorum dexter, ad quem pertinet spigelii lobus, major dicitur; sinister autem minor vocatur. Haud procul à scissuræ extremitate, prioris margini lobi subjacet, pyri formam referens, fellis vesicula, cujus basis, cartilaginis primæ spuria costæ extremitatè in prospectu habet, undè obliquo tramite duodenum appellit. Organum illud, sensibilitate quasi orbatum, à cæliacâ nutritioni tantum suæ dicatas excipit arterias, simulque à cavâ venas, nervos autem à majori minori-que sympathico mutuatur. Imò verò vena portarum, emulgentibus tantum ferè exceptis, ex cunctis abdominalibus venis, in unum tubum cœcuntibus, efformata, circâ medium cavæ superficiei, quemadmodum & arteria, adscitâ, quam Glissonii capsulam dicunt, vaginâ robustior, hepar ingreditur. Statim autem, exutâ venæ naturâ, in quinque ramos abit, moxque in minimos & innumera- biles propè dispersa, totum hepatis punctum ferè attingit. Quibus ex propagini- bus totidem exurgunt pori, qui, sensim coalescentes, in unum destinum ductum: quo ductu, unâque vesiculæ fellis congenere unicuique efficitur canalis, quem coledochum dicunt. Hujus beneficio utraque bilis, alia jugi, alia interrupto fluxu, in duodenum manat. Ex iis de hepate perangustè præmissis evolvit sese jam nitidius frequentis adeò in ipso viscere obstructionis causa, patetque luci- dius morborum sedes, quorum tanti est momenti cognitio, sive in diagnosi, sive in abcessuum curatione, de quibus nunc agendum.

I I I.

SI, vigente inflammatione, vasorum extremitatibus impactæ adeò hærent obstruentes molculæ, ut diluenti, quò dissolvi queunt, vehiculo aditus intercludatur, perque partis obstruæ resistentiam magis ac magis à tergo urget sanguis, tum in majores angustias protruditur obstruens illud insupera- bile: quod cùm retropelli nequeat, superest naturæ hoc molimen salutæ, quo quidquid vitali humorum motui potest nocere à partibus sanis suppuratione dimoveatur. Hunc abcessum rectè definias, inflammationis transitum in suppurati- onem & puris inde nati collectionem in quodam loco corporis.

Nulla porrò subest inflammationis causa quam & vindicare sibi non jure possit abcessus, adeoque quidquid vasa, ad jecur appellens, arcare valet aut obturare, quidquid humorum ipsi pertinentium diathelini potest pervertere, id omne inflam- mationi procreandæ aptum & idoneum. Cujus omnes causas si velis percurrere, infinitus propè sis. Quas inter primò recenseas oportet, contusiones, commotio- nes, vulnera, tumores, acria ingesta, calorem nimis, frigus asperinum, motum citatiorem; his adde bilis glutinositatem, & ejusdem frequentiore acrimoniâ: adde menstruarum, hemorrhoidalisque fluxûs aut ulceris suppressio- nem intempestivam, partis quoque serosæ sufflammationem; quid multa, virus quodlibet.

Quibusnam autem symptomatibus in hepate deprehendatur abcessûs præsentia perlustrare operæ pretium est. Si à primâ inflammationis invasione ad quintum usque, sextumve aut septimum diem ita urgent symptomata ut absque ullâ sensibili excretionè, vel materiæ morbosæ metastasi, nullum offendatur levamen, tunc magnoperè metueundum puta, ne in suppurationem vergat inflammatio. Ubi verò desinat resolutionis possibilitas incipiatque suppuratio apprime dignoscere opinione operosius est. Palam est tamen & experienciâ compertum, quod omnes

fatentur, adaugeri, tempore suppurationis, calorem, irritari dolorem, febremque crescere, ac pariter pulsationem: quæ omnia formato pure mitescunt. Tum subit quidam ponderis sensus, subit horripilatio vaga, quam sequuntur rigor diuturnior, ardens sitis, febricula, quâ, præsertim circâ vesperum recrudescente, laborat æger: debilis est pulsus, urina spumosa, debilitatæ pallescunt partes, manantque, præsertim circâ frontem, nocturni sudores, tandemque fixus adest dolor pulsatorius. Si verò externè promineat tumor, percipi tunc potest fluctuatio, nec raro simul serosâ coluvie irrigantur partes ambientes.

His omnibus sedulò perpensis, nullum jam de puris collectione, nullum de absolutâ illius eliminandi necessitate, dubium potest remanere. Ne tamen graviter peccetur, id agat accuratè Medicus, ut sibi planè innotescat, quid vesiculæ fellis tumorem inter & abcessum, qui circum circâ efformatur, intersit. Id autem discriminis est, quod in abscessu dolor adsit pulsatorius, qui in tumore vesiculæ nullus, quippè qui nullis suppurationis symptomatibus urgetur; quodque in tumoris centro tantum, remanente adhuc duro ambitu reliquo, percipiatur fluctuatio; quæ contrâ in fellis vesiculæ tumore liberius utrobique exporrecta statim deprehenditur.

I V.

TAM densâ involvuntur caligine quæcumque de hepatis abcessibus scripserunt Veteres, itâ parcè disseminantur eorum observationes, ut nihil propè ex illis colligi possit, cuius ope, seu in prælagiendis, seu in curandis iis, de quibus nunc agimus morbis, titubans dirigatur Medicus. Ea enim erat eorum circâ jecur propè incertitia, ut veram illius structuram non apprimè calluerint. Hinc illud, alii instar gelati sanguinis depingebant, adeoque in putredinem pronum, undè in omnibus terè abcessibus sinistram quid ominari semper non dubitarent; alii, quos inter princeps Hippocrates, omnes, quibus vesiculæ hepatis corripiebatur substantia, abcessus lethales judicabant. Quod ex hoc aphorismo in promptu est colligere. *Qui suppurato hepate uruntur aut secantur, si pus purum & album fluat, evadunt: ipsi (a) in tunica enim pus inest; si verò qualis amurca fluat, pereunt. Ut ut sit, non minus constât ex peractis, nullâ præconceptâ opinione, observationibus clarissimorum Morand, Delamotte & Petit, ægrum, etiamsi in proprio hepatis parenchymate pus inhæreat, non multo negotio sanitatem recipere, modò tamen pus illud extrâ promineat, coquentesque vires debellandæ materiæ non sint impares, ac tempore opportuno puri concilietur aditus: quod ipsa probat experientia recens. Viget apud indos hoc morbi genus, & itâ grassatur, ut morbum illum non immeritò endemicum dicas. Cui ut pro arte suâ mederetur vir clarissimus Bourdier (b) idemque Patronus beneficis, operationem, quibuscunque priùs ritè adhibitis cautionibus, instituendam sagaciter existimavit. Quâ feliciter adeò usus est, ut, ex triginta hepatis abcessu laborantibus, vix quinque malo succubuerint. Atqui sciebat observator ille accuratissimus, eos abcessus esse progressus, ut jecur totum depasci possit; notum ipsi quoque, posse materiam per metastasim ad alia loca deferri, interdumque, per coledochum ductum, aut, aperto colo, in intestina commeari; pus autem, loco clauso eodemque calido contentum, tenuius simul & acrius amurcosum-ve fieri ac quotidie degenerascens in pejus mutari, venisque reפורט, purulentam efficere cacochymiam, plus tandem minus-ve sinuosas quandoque sibi vias parare, nisi illi citò satis præbeatur exitus. Cum autem sibi compertum haberet quàm sit periculosum locum suppurationum antè perfectam maturitatem aperire, eam, ubi tota resolutionis spes deerat, maturantibus sollicitabat remediis. Cum verò, singulis morbi phaenomenis accuratè perpensis, de abcessus præsentia certior factus fuerat, observatoque quod vicinis accrescat pars inflammata, ad operationem, tanquàm ad unam quæ supererat ancheram, audax confugebat. Tunc præstò aderat Chirurgus, qui in tumorem ubicunque pro-*

(a) Nota bene. (b) Vide *Journal de Médecine*, anno 1772.

4

mineret, scapellum securâ manu altè infigebat, partesque secundùm costarum rectitudinem latè secabat; cuius operationis ope eliminabatur pus, statimque linamentum deterlivâ terebenthinâ, oleique ac vitelli mixturâ imbutum, filoque extra cohibitum, in abcessûs focum molliter immittebat, & utrobique sparsò linamento carpto, splenis supra impositis, totum apris fasciis continebat apparatus. Si autem non promineret tumor, altius immittebatur scapellum ubi, morbo decurrente, fixus adhæserat dolor. Quæ quidem res successit frequentissimè. Indè concludas velim, melius esse, in quolibet casu, anceps experiri remedium quàm nullum, paucosque occurrere abcessus in quibus puri exitum præbere non sit necessarium.

V.

ITA hominum plerorumque animo antecepta molestè exuuntur ut, nisi rem ipsi observaverint, tibi fidem fastidiosè denegent. Ea est horum, quæ aliquot ab hinc annis in vulgus emanant, remediorum fors, ut, vix in scenam medicam proferuntur, innumeris undequaque telis appetantur. Quidquid tamen contra hunc, quem proposuimus medendi modum, possis opponere, non minus pro certo manet nullam in curandis hepatis abcessibus methodum existere certiore, quàm operationem. Sive ergò in costarum intervallis ii promineant, sive ad pectoris cavum dirigantur, seu anteriorem lateralemve occupent partem, aude, aude, sito commodè ægro, manu salutiferâ altè scapellum immittere. Neu fistulis ansam præbeas, parcus sis, cave. Si quis autem, nullos ex iis, quorum proprium hepatis parenchyma correptum fuit, sanitatem recuperasse velit contendere, viro- rum supra laudatorum evolvat opera; nec diù anceps permanebit. Adeat aper- turas jam toties repetitas cædaverum, in quibus antiquæ cicatricis vestigia lucidè apparuerunt. Quid, ubi tam altè hæret pus, ut nec extra promineat, nec vicinis accreverit inflammata, faciendum petis? Hoc responsum habe. Si ab ipso morbi initio nulla extiterit doloris pullatorii divagatio, aliundèque latentis abcessûs ad- sint signa, quis tunc tuus erit succurrendi modus? Quæ tibi salutis spes? Naturæ, credo, credes. Qui! tunc timendum, ex dictis tenes. Unicum ergò, dubium qui- dem & anceps remedium, operatio nempe, nisi quæ adsint contrariæ indicatio- nes. Abdomen mantili comprime, ita ut vicinis applicetur hepar; & ubi suam fixit sedem dolor, immisso scapello, vomica attinge: foras tunc profluit pus. Si quid verò, operatione factâ, puris in ventrem manaverit, vasorum beneficio re- forberi poterit, quin magna pariat incommoda. Quæ, si adsint, erunt certè mi- nora quàm si tota in abdomine disrupta fuisset vomica.

Ergò solito frequentius hepatis abcessus aperiendi.

DOMINI DOCTORES DISPUTATURI.

- | | | |
|--|---|--|
| <i>M. Joannes COLOMBIER, Cen-
sor Regius.</i> | <i>M. Joannes-Bap. LANGLOIS,
Scholarum Professor.</i> | <i>M. Joannes-Nicolaus MILLIN
DE LA COURVAULT.</i> |
| <i>M. Joan. Car. DESSEARTZ,
Antiquus Decanus Chirur-
giæ Gallicæ idiomate Professor
designatus pro anno 1785-6,
Regii Medicorum Collegii
Lugdunensis Socius.</i> | <i>M. Henricus RAIMOND, Regis
exercitiûm in Insulâ Corsicâ
Medicus.</i> | <i>M. Petrus-Abrahamus PAJON
DE MONCETS, Eques, in
Supremâ Monetarum Curia,
necnon in Urbis præfecturâ
Consiliarius Medicus Regis
ordinarius, Academiæ Regiæ
Catalanensis, necnon Socie-
tatis Regiæ rei Agrariæ Aure-
lianensis Socius, Scholarum
Professor designatus.</i> |
| <i>M. Lud. Alexander DE CEZAN.</i> | <i>M. Antonius-Joannes-Baptista-
Maclovius GUENET.</i> | <i>M. Jacobus GOURLEZ DE LA
MOTTE.</i> |

Proponēbat Parisiis JOSEPH-FRANCISCUS BOURDIER DE LA MOULIERE,
Bellicinus, Saluberrimæ Facultatis Medicinæ Parisiensis Baccalaureus, Thesèos
Auctor. A. R. S. H. 1784. AB OCTAVA AD MERIDIEM.